

Na osnovu člana 26. stav 3. i člana 29. Odluke o bezbjednosti i organizaciji saobraćaja na cestama općine Zavidovići („Službeni glasnik Općine Zavidovići“ broj 6/2008 i 10/2009) i člana 39. Statuta Općine Zavidovići („Službeni glasnik Općine Zavidovići“ broj 5/2008 i 5/a/2008), Općinski načelnik d o n o s i

## **P R A V I L N I K**

o dopunama Pravilnika o postupku davanja na korištenje javnih parkirališta

### **Član 1.**

U Pravilniku o postupku davanja na korištenje javnih parkirališta («Službeni glasnik Općine Zavidovići» broj 5/2010) član 3. stav 1. mijenja se i glasi:

«Javna parkirališta na kojima je Odlukom propisano da se plaća naknada mogu se dati na korištenje pravnim licima registrovanim za pružanje usluga parkiranja na period od najmanje 5 godina i to:

- prostor između salona namještaja i ulice "Mehmed paše Sokolovića", do realizacije Regulacionog plana "Centar 1". Navedeni prostor obuhvata dva plato parkirališta, osim parking mjesta ispred salona namještaja koji je opće parkiralište,
- prostor s desnu stranu kolovoza ulice «Alije Izetbegovića» od raskrsnice s ulicom «Safvet baga Bašagića» do raskrsnice s ulicom «Gazi Husrev-bega».

### **Član 2.**

Član 13. mijenja se i glasi:

”Naknada za parkiranje na parkiralištima iz člana 3. ovog Pravilnika iznosi 1,00 KM po satu za putnički automobil.

Dnevna karta za korištenje parkirališta iznosi 5,00 KM za putnička vozila.

Naknada za parkiranje plaća se u vremenu od 07,00 do 20,00 sati odnosno do 22,00 sata za vrijeme ljetnog računanja vremena”.

### **Član 3.**

Član 14. mijenja se i glasi:

«Davaoc usluga parkiranja može dati korisniku parkirališta parkirališno mjesto na korištenje mjesec dana kao rezervisano parkirališno mjesto.

Broj parkirališnih mjesta koja se mogu rezervisati i naknadu za rezervaciju parkirališnog mjesta određuje davalac usluge parkiranja».

### **Član 4.**

Član 15. mijenja se i glasi:

«Naknada za rezervaciju parkirališnog mjesta ne može biti veća od naknade koja se utvrđuje primjenom člana 13. ovog Pravilnika.

Naknada za rezervaciju parking mjesta obuhvata rezervaciju parkirališnog mjesta od 24 sata dnevno».

- 586 -

**Član 5.**

Član 18. Mijenja se i glasi:

«Na parkiralištu iz člana 3. stav 1. alineja 1 ovog Pravilnika, prvi red parkirališnih mjesta na drugom nivou parkirališta posmatrajući prema zgradi Općine Zavidovići, rezervisan je za parkiranje vozila zaposlenih Općine Zavidovići, Porezne ispostave Zavidovići, Ministarstva unutrašnjih poslova ZDK, Policijske uprave Zavidovići bez plaćanja naknade za parkiranje.

Davaoc usluga parkiranja je dužan na zahtjev Općine Zavidovići obezbijediti parkiranje za vozila zvaničnih delegacija u posjeti, vladinih i međunarodnih organizacija bez plaćanja naknade.

Vozila iz stava 1. ovog člana moraju biti obilježena odgovarajućom oznakom koju izdaje Služba za upravu ekonomskih poslova i poduzetništva svake kalendarske godine. Služba za upravu ekonomskih poslova i poduzetništva je dužna izdati oznake za parkiranje licima iz stav 1. ovog Pravilnika u roku od 30 dana od dana donošenja ovog Pravilnika, a oznake za parkiranje za naredne godine izdaje do 30 januara za tekuću kalendarsku godinu.

Odreba stav 1. ovog Pravilnika ne primjenjuje se radnim danom nakon 15,30 sati, subotom, nedjeljom i ostalim neradnim danima».

**ZAVRŠNE ODREDBE****Član 6.**

Ovaj Pravilnik stupa na snagu danom donošenja i bit će objavljeni u „Službenom glasniku Općine Zavidovići“.

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA ZAVIDOVIĆI

Broj: 02-27-4557/11  
Datum: 13.09.2011. godine

(M.P.)

OPĆINSKI NAČELNIK

Hakija Osmić, dipl.ecc., s.r.

## OBRAZLOŽENJE

### PRAVNI OSNOV

U členu 26. stav 3. Odluke o bezbjednosti i organizaciji saobraćaja na cestama općine Zavidovići („Službeni glasnik Općine Zavidovići“ broj 6/2008 i 10/2009) određeno je da: „Općinski načelnik će donijeti pravilnik kojim će bliže regulisati postupak raspisivanja javnog oglasa za dodjelu parkirališta, podnošenje prijava na javni oglas, sadržaj prijava, imenovanje i sastav komisije, nadležnost komisije, kriterije za odabir najpovoljnijeg kandidata za dodjelu parkirališta, pravo na pravni lijek, zaključivanje ugovora i ostala pitanja značajna za provođenje postupka dodjele parkirališta pravnim licima radi pružanja usluga i održavanja javnih parkirališta uz naplatu, rezervaciju parking prostora za stanare i vlasnike poslovnih prostora“.

U členu 29. određeno je da: «Kriterij za utvrđivanje cijene parkiranja na javnim parkiralištima utvrđuje Općinski načelnik».

### RAZLOZI DONOŠENJA PRAVILNIKA

Općinsko vijeće Zavidovići na 34. sjednici održanoj 31.05.2011. godine donijelo je Odluku o izmjenama i dopunama Odluke o bezbjednosti i organizaciji saobraćaja na cestama općine Zavidovići kojom je ukinuto da se na pojedinim parkiralištima može vršiti naplata parkiranja, kao i mogućnost rezervacije parking mjesta pod povoljnijim uslovima plaćanja. Također je određeno da se na parking prostoru u ulici «Dobrovoljnih davalaca krvi» između zgrade Općine Zavidovići, Općinskog suda u Zavidovićima i Policijske uprave III, Policijske stanice Zavidovići mogu parkirati vozila zaposlenih navedenih organa. Iz navedenih razloga pristupilo se izmjenama ovog Pravilnika.

OPĆINSKI NAČELNIK

Hakija Osmić, dipl. ecc

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA ZAVIDOVIĆI  
OPĆINSKI NAČELNIK  
Služba za upravu ekonomskih  
poslova i poduzetništva

Broj: 03/5-27-3856/11

Datum: 05.09.2011. godine

KABINET OPĆINSKOG NAČELNIKA

- O V D J E -

PREDMET: Pravilnik o izmjenama Pravilnika o postupku  
davanja na korištenje javnih parkirališta, dostavlja se

U prilogu akta dostavljamo vam Prijedlog pravilnika o izmjenama Pravilnika o postupku davanja na korištenje javnih parkirališta na razmatarenje i njegovo donošenje. Prijedlog pravilnika dostavljamo nakon što je Općinsko vijeće Zavidovići na 34. sjednici održanoj 31.05.2011. godine donijelo je Odluku o izmjenama i dopunama Odluke o bezbjednosti i organizaciji saobraćaja na cestama općine Zavidovići kojom je ukinuto da se na pojedinim parkiralištima može vršiti naplata parkiranja, kao i mogućnost rezervacije parking mjesta pod povoljnijim uslovima plaćanja.

S poštovanjem.

POMOĆNIK NAČELNIKA

Džeraldina Miličević, dipl.ing. građ.

Dostavljeno:

1. Naslovu,
2. U spis.

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA ZAVIDOVIĆI  
OPĆINSKI NAČELNIK  
Služba za upravu ekonomskih  
poslova i poduzetništva

Broj: 03/5-27-\_\_\_\_\_/11

Datum: 11.08.2011. godine

POLICIJSKA UPRAVA III  
POLICIJSKA STANICA ZAVIDOVIĆI

Z A V I D O V I Ć I

PREDMET: Podatak o putničkim automobilima lica zaposlenih  
u Policijskoj stanici Zavidovići i broju službenih vozila, dostavlja se

Ovim aktom obraćamo vam se sa zahtjevom da ovom organu dostavite podatke o zaposlenim licima u Policijskoj stanici Zavidovići i njihovim putničkim automobilima koja nakon dolaska na posao ista parkiraju na parkiralištima. Traženi podaci trebaju da sadrže ime, ime oca i prezime zaposlenika, marku i tip putničkog vozila, registarsku oznaku, te ime, ime oca i prezime vlasnika vozila (ako zaposlenik nije vlasnik vozila). Također je potrebno da dostavite broj službenih vozila sa kojima raspolaže Policijska stanica Zavidovići.

Traženi podaci su potrebni ovom organu kako bi izvršio provođenje Odluke o izmjenama i dopunama Odluke o bezbjednosti i organizaciji saobraćaja na cestama općine Zavidovići koju je donijelo Općinsko vijeće Zavidovići na 34. sjednici održanoj 31.05.2011. godine, a kojom je određeno da se na parking prostoru u ulici «Dobrovoljnih davalaca krvi» između zgrade Općine Zavidovići, Općinskog suda u Zavidovićima i Policijske uprave III, Policijske stanice Zavidovići mogu parkirati vozila zaposlenih navedenih organa. Struktura traženih podataka je neophodna za izradu odgovarajućih oznaka koja će se postavljati u putničke automobile zaposlenih, kao i obilježavanje parking mjesta na koja se mogu parkirati samo službena vozila.

Tražene podatke dostaviti u što kraćem vremenskom periodu u skladu sa vašim mogućnostima.

S poštovanjem.

POMOĆNIK NAČELNIKA

Džeraldina Miličević, dipl.ing. građ.

Dostavljeno:

1. Naslovu,
2. U spis.

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA ZAVIDOVIĆI  
OPĆINSKI NAČELNIK  
Služba za upravu ekonomskih  
poslova i poduzetništva

Broj: 03/5-27-\_\_\_\_\_/11

Datum: 11.08.2011. godine

OPĆINSKI SUD U ZAVIDOVIĆIMA

Z A V I D O V I Ć I

PREDMET: Podatak o putničkim automobilima lica zaposlenih  
u Općinskom sudu u Zavidovićima, dostavlja se

Ovim aktom obraćamo vam se sa zahtjevom da ovom organu dostavite podatke o zaposlenim licima u Općinskom sudu u Zavidovićima i njihovim putničkim automobilima koja nakon dolaska na posao ista parkiraju na parkiralištima. Traženi podaci trebaju da sadrže ime, ime oca i prezime zaposlenika, marku i tip putničkog vozila, registarsku oznaku, te ime, ime oca i prezime vlasnika vozila (ako zaposlenik nije vlasnik vozila). Također je potrebno da dostavite broj službenih vozila sa kojima raspolaže Općinski sud u Zavidovićima i broj službenih vozila Sudske policije koja je smještena u vašoj zgradi.

Traženi podaci su potrebni ovom organu kako bi izvršio provođenje Odluke o izmjenama i dopunama Odluke o bezbjednosti i organizaciji saobraćaja na cestama općine Zavidovići koju je donijelo Općinsko vijeće Zavidovići na 34. sjednici održanoj 31.05.2011. godine, a kojom je određeno da se na parking prostoru u ulici «Dobrovoljnih davalaca krvi» između zgrade Općine Zavidovići, Općinskog suda u Zavidovićima i Policijske uprave III, Policijske stanice Zavidovići mogu parkirati vozila zaposlenih navedenih organa. Struktura traženih podataka je neophodna za izradu odgovarajućih oznaka koja će se postavljati u putničke automobile zaposlenih, kao i obilježavanje parking mjesta na koja se mogu parkirati samo službena vozila.

Tražene podatke dostaviti u što kraćem vremenskom periodu u skladu sa vašim mogućnostima.

S poštovanjem.

POMOĆNIK NAČELNIKA

Džeraldina Miličević, dipl.ing. građ.

Dostavljeno:

1. Naslovu,
2. U spis.

BOSNA I HERCEGOVINA  
FEDERACIJA BOSNE I HERCEGOVINE

ZENIČKO-DOBOJSKI KANTON  
OPĆINA ZAVIDOVIĆI  
OPĆINSKI NAČELNIK  
Služba za upravu ekonomskih  
poslova i poduzetništva

Broj: 03/5-27-\_\_\_\_\_/11

Datum: 11.08.2011. godine

PREDMET: Podatak o putničkim automobilima lica  
zaposlenih u Općini Zavidovići, traži se

Ovim aktom obraćamo vam se sa zahtjevom da ovom organu dostavite podatke o zaposlenim licima u vašoj Službi i njihovim putničkim automobilima koja nakon dolaska na posao ista parkiraju na parkiralištima. Traženi podaci trebaju da sadrže ime, ime oca i prezime zaposlenika, marku i tip putničkog vozila, registarsku oznaku, te ime, ime oca i prezime vlasnika vozila (ako zaposlenik nije vlasnik vozila).

Traženi podaci su potrebni ovom organu kako bi izvršio provođenje Odluke o izmjenama i dopunama Odluke o bezbjednosti i organizaciji saobraćaja na cestama općine Zavidovići koju je donijelo Općinsko vijeće Zavidovići na 34. sjednici održanoj 31.05.2011. godine, a kojom je određeno da se na parking prostoru u ulici «Dobrovoljnih davalaca krvi» između zgrade Općine Zavidovići, Općinskog suda u Zavidovićima i Policijske uprave III, Policijske stanice Zavidovići mogu parkirati vozila zaposlenih navedenih organa. Struktura traženih podataka je neophodna za izradu odgovarajućih oznaka koja će se postavljati u putničke automobile zaposlenih, kao i obilježavanje parking mjesta na koja se mogu parkirati samo službena vozila.

Tražene podatke dostaviti u što kraćem vremenskom periodu.

S poštovanjem.

POMOĆNIK NAČELNIKA

Džeraldina Miličević, dipl.ing. građ.

Dostavljeno:

1. Kabinet Općinskog načelnika,
2. Služba za upravu ekonomskih poslova i poduzetništva,
3. Služba za upravu poljoprivrede, vodoprivrede i komunalnih poslova,
4. Služba za upravu geodetskih, imovinsko-  
- pravnih poslova i urbanizma
5. Služba za upravu društvenih djelatnosti i opću upravu,
6. Služba za upravu pitanja boraca, raseljenih lica i izbjeglica,
7. Služba za upravu civilne zaštite,
8. U spis.